

Primum autem inter fluvios agmen ducunt *Sequana*, *Ligeris*, *Garumna*, *Rodanus*. Qui *Sequana* Lat. *Σηκουάνα* Pt. *Σηκουάνα*, Str. *Σηκουάνα* Steph. *Sibari*, Benjaminio, *Seyne* vulg. Oritur in Burgundiæ Duc. in Alseti regione paulo amplius leuca versus Septentrionem a Burgo, qui S. Sequano Sacer; duobus rivulis, quos inter Pagi jacent *Billis* & *Perriere*. Lustratis fecitque cum aliis, tum Lutetia Parisiorum, cui nobilissimam facit Insulam, *Rotomago*que, Mare Britannicum vel Normannicum Ostio satis lato irrumpit. *Æstuarium* ibi satis est navigantibus periculosum: ideoque provide magnaue sollicitudine adeundum. Normannis vulgo vocatur *la Bare*. *Sequana* enim mare ingressus repente contra fluviorum ceterorum naturam refluit, horrendo sonitu ascendens ad hæc longioris altitudinem. Inexpectata solent hic negligentibus & incuriosis oriri discrimina. Currens *Sequana* fluvios suscipit varios, in quibus nobiliores ceteris, Antiquis etiam noti *Matrona*, vulgo *Marne*: *Esia*, *Oyse* vel *Ayse* vulgo, *Axona*, vulgo *Ayne*, *Aisne* vel *Efne*. *Ligerim* secundo loco nominavi, ab *Cæfare* aliisque nobilitatum: *Ἀλγείος* (vel ut in aliis Codicibus melius, *Ἀλγίας*) & *Ἀλγίης* Strab. lib. iv & Ptol. Hodie *Loire* & *Leire*. Caputejus in pago *Velauno*: Locus vulgo *la Font de Leire*. Amplior est reliquis, ut merito Pater *Gallie Fluviorum* audiat: aquæ Limpidissimæ. Facto inter varios populos (Celtas ab Aquitanis olim ex Strabonis notatione dividebat) procursum, exonerat se in Oceanum Occidentalem, inter *Nannetes* & *Pictos*. Ostio quatuor fere leucas amplo, Pulvillis aliquot infesto: interius ad duas cū semi leucas Rupes sunt, quibus a Porcis cognomen: Ingentes & Navigiorum patientes excipit. Fluvios non paucos, *Elaver*, vulgo *Allier*: *Carim* nunc *Cher*: *Vigennam*, hodie *Vienne*, *Viane* & *Vignane*, *Meduanam*, hodie *Mayne*, & alios. *Garumna* sequitur, *Cæsari* Gallos ab Aquitanis disjungens: Strab. lib. iv *Γαργων* Ptol. *Γαργών*: *Garonna* Frontino: quod nomen integrum hodieque retinet a Capite ad *Blaviam* Castrum, ubi lingua Romana incipit. Nam inde *Gronde* & *Gironde* dicitur. *Geruniam* etiam vocat *Gulielmus Brito* in sua *Philippeide*. Oritur ex *Pyrenæis* haud procul *Opido*, quod vulgo *Cadalup*. Hic hodie perlustratis cum aliis, tum *Tolosa* & *Burdigala*, *Mari* se miscet *Aquitano*, duarum fere leucarum Ostio: quod intrantibus occurrunt scopuli, quibus ab *Asellis* cognomen. Septentrionalior Nautis Belgis *Noorder-Esel*, Australior *Snyder-Esel*, Pharum vel præaltam sustinens turrim, quæ vulgo *la Tour Cordan*. Excipit navigeros fluvios *Tarnim*, *Lo Tarn* vulgo: Gallice *le Tar*: *Egercium*, *Vaseonibus* hodie *Gers*: *Oldum* Arvernatis & Montanis *Cadurcis* *Ooldr*, vel cum articulo *l'Old*, *l'Oold*: *Danuvium*, hodie *la Dordogne*, & alibi *Dordonne*, & alios. Vltimum *Rodano* dedi locum. Fluvius hic Scriptoribus omnibus & Græcis quibus *Ῥοδανός*, & Latinis notissimus. In universum Gallis nuncupatur *le Rhos*: sed Indigenis *le Ros*: *Eridanum* nominant *Oppianus* in *Halienticis* lib. iv & *Philostratus* in *Vitis Sophistarum*. *Plinius* ab *Roda*, *Rodiōrum* in illo tractu *Colonia* nomen impositum scribit. Oritur haud procul *Danubii*, *Reni*, *Arolæ* *Ticini* aliorumque fontibus, prope montem, qui vulgo *Briga*. Lacum *Lemannum* apud pagum *Novam-Villam* (*Neuf Ville*) ingressus, servato fere colore permeat, & ad *Genevensium* opidum egressus: rapido cursu pergens in mare *Mediterraneum* erumpit: septem ostiis, ut scribit *Apollonius* in *Argonauticis*: quinque ut *Diodorus* & alii, tribus ut *Artemidorus* apud *Strabonem*, *Plinius* & *Ammianus*: duobus ut *Polybius*